

Սեպտ. 22ին կը մեկնին իզմիրէն ու հանդիպելով Մահա-
լըճ, Ոււլպատ, Պաչքոյ՝ Հոկտ. 8ին, շաբաթ, կը մտնեն Պուրսա
և հոն կը մնան մինչև **1682** Մարտ 1 (թղ. 4բ-9բ):

Մարտ 1ին կը մեկնին Պուրսայէն ու հանդիպելով Մու-
տանիա և Պորլազ՝ Մարտ 4ին կը հասնին Բատամպոյ և կ'իջե-
ւանին Սամաթիոյ Ս. Գէորգ եկեղեցին (թղ. 9բ-10ա):

Մարտ 4էն Յունիս 14՝ Կ. Պոլիս (թղ. 10ա-15բ):

Յունիս 15ին կը մեկնին Կ. Պոլսոյ նեղուցէն (Պողազ)
նաւով և 26ին կը հասնին Տրապիզոն՝ հանդիպելով Նիոպոլիս,
Սընազ, Կիռասուն, Ձէֆուէ Իլիման, Թիրիպոլի և Էլէվու իս-
քէլէսի (թղ. 16ա-16բ):

Յունիս 26էն Յունիս 3՝ Տրապիզոն (թղ. 16բ-17ա):

Յունիս 3ին կը մեկնին Տրապիզոնէն ու հանդիպելով Ուչ-
քիլիսէ, Աղաճաղչի, Էկրիսուն, Դըթովա, Բարերդի վանա-
նաչէն վանքը, Բարերդ, Քէսիկքովրի, Զուուչիւրան, Դա-
րասու և Կէզ՝ Յունիս 14ին, ուրբաթ, կը հասնին Էրզրում,
ուր կը մնան մինչև Օգոստ. 1 (թղ. 17բ-20ա): Այստեղ կ'ընդ-
հատի **Օրագրութիւնը**, բայց յետոյ կը յիշատակուի թէ Ե-
ղիազար կաթ. 1682 Օգոստ. 25ին (թղ. 69բ) կամ 27ին (թղ.
124ա) մտած է Էջմիածին: Ապա կը սկսի Սեպտ. 15էն:

Սեպտ. 15էն Նոյ. 7 Էջմիածին ու Երևան (թղ. 21ա-21բ):

Նոյ. 7ին Ամեցիլ իբրև նուիրակ Էջմիածնի կ'ուղևորի
Եւզոկիա, հանդիպելով Շահրիար, Սուրմէլի. Կողբ, Երասի-
գետ (անցք), Քերց, Կաղզվան, Դարայազ, Դլլճան, Զի-
թահանք, Առուճազրակ, Դոմայձոր, Պատժաւան և Բասենոյ
վանք, և Նոյ. 16ին Էրզրում, ուր կը մնայ մինչև **1683** Յու-
նուար 18 (թղ. 20բ-28ա):

Յունուար 18ին կը մեկնի Էրզրումէն. կը հանդիպի՝ Իլի-
ճա, ձինիս, Աշղալա, Թօփալչաւուչ, Շօղայխան, Զավուչ-
քոյ կամ Դարասուլի, Լօռի, Օրուճօղլի, Սօքման, Կարմրի,
Սառչալար, Փոքր Տիքմէ, Մեծ Տիքմէ, Դուսուռնդայա, Կօկ,
Տէվրէնտ, Մէնդիլքոյ, Դափիլչայա, Դլլը Տէվրէնտ, Զա-
ղափոյ խան, Ածպտեր, Փոքր Ածպտեր, Քրթանոց, Կէտակէ-
տուկ, Դօլլասար, Հաճի Մուրատ զալասի, Մուտասին, Ալ-
մուսա, Դլլըլեխուչ և փետր. 6ին կը մտնէ Թօխաթ (թղ.
28ա-29բ):

Փետրուար 6էն մինչև **1684** Յունուար 17 կը մնայ Եւ-
զոկիա: Այդ ժամանակամիջոցին կ'այցելէ Մարսուան, Ամա-
սիա, Զիլէ և շրջակայ վայրերը. անցած տեղերն են՝ Դարա-